



澗山集卷一

司馬明公
而歸崇山
卷一

宋
朱翌

撰

花

物生本不同所貴以形以如何小草閒或作潛淵類宛
然花葉分有此尾鬣備知以柳貫腮十百共一蒂可肩
比目鱗與世為上瑞稽首蓬萊宮願附花鳥使

送山芥與徐稚山

北風撼坤軸飛雪封高崖萬蕩□□□小復存根荖蔚

然蒼山底有此紫玉釵本無塵土侵寧畏霜霞埋偶為

澗山集卷一

一知不足齋叢書

樵牧知遂與薇蕨楷堅瘦故耐□□□□□□□免一

時出官事衆口諧可以寄樂天時供八關齋可以送庾

郎三九代食鮭朱門厭燻燭嘉蔬日誰□飛觴穴行次

可口相推排爾來走餅嬰遂費登山鞅文昌列宿光騎

省後人佳居官乃退步養氣能實骸一箸須子同苦硬

求吾儕

淮人多食蛙者作詩示意

淮人為水族庖膾亦已巧田閒有鳴雞性命得自保吳

人口垂涎捕取窮浩渺於吳產或多於淮求則少要之

業境會食債良自繞子也家淮南遊吳嘗草草平生下
者處但覺皆羊棗不論赤鯁公亦及長鬚老何況鼓吹
部可作鐘鼎寶世閒多空中所見徒有表至美不外示
魚鼈豈皆好君看十月鶉羽翼甚輕矯變化須臾閒不
念舊池沼食敦入無言食蛙或顰慙鶉蛙等無二妄想
自顛倒舌耕無盡期所得在一飽哀哉南路徐食方說
燂燂但俱供口羹不必著錦襖較之食瘡痂豈但能稍
稍

游月巖

潛山集卷一

二知不足齋叢書

赫日方正中忽見第二月老木盤硬枝扶踈真桂葉煙
雲成顯晦弦望靡盈闕初無大小餘可以歷沒滅但能
照行人千古此山側却笑天上輪晝夜不停轍

張翰惠書告窘

伯龍營什一撫掌鬼在側燕公鑄橫財地下萬爐蒸貧
富有物司得失難智索我今竟日餐或待門生設朝園
斷菜根暮火圍松節黃妳坐上座方兄行禁謁安能挾
餘波可以潤子篋俯視腰一圍何時解三篋薦福縱有
碑震雷卽驚裂讀我送窮文還君乞米帖

與劉令食枸杞

周黨遺仲叔菽水無菜茹我槃有枸杞與子同一箸若
比閔縣令已似方丈富但令齒頰香差免腥羶汗我壽
我自知不待草木輔政以不種勤日夕供草具更約傅
延年一飯美無度解衣高聲讀蘇陸前後賦

王令收桂花蜜漬培地瘞三月啓之如新

桂花老月窟墮地散金藥長憂風雨餘失此香旖旎撫
樹三歎息畱花姑少俟枕中有仙方解使香不死蜜蜂
喜輸糧餘潤獲漸靡瘞深闕三月發覆駭封璽虛堂習
新觀博山爲頻啓初從鼻端參忽置秋色裏氤氳縹緲
閒可以降月姊自茲聞四時何止名七里

與郭令步至城下見田閒稻秧已可插慨然有感

示郭令

端居倦來往春去誰與娛眷眷斗升米倏倏東南都薄
暮喜穿屐周遊又吾徒念昔始經此汗邪祝滿車及今
幾何日立苗還欲疏懷新舞翠剡生意蔚以舒吾生將
安之土偶之與俱清夜夢鄉曲未覺田園蕪他時招子
歸把鋤春雨餘

重午菊有花遂與菖蒲同採

菖蒲秀端午黃花作重陽萬物各時行半歲遙相望云
何忽竝開相與同一觴仙人九節杖東坡一枝香洗去
仲夏熱如逢晚秋霜均是酒中物俱使吾年長莫誇雨
露私勿 草木狂登高閣競渡樂哉未渠央

競渡示周宰

英英屈大夫遺骨淪湘湄楚人念何深叫空冤水妃雖
無些詞招顧有鐃鼓悲憶昨上巳日縱觀金明池突殿
隱負鼉長橋低臥蛻諸公貴人來珠幢紺幟隨雨軍各

澗山集卷一

四知不足齋叢書

氣焰萬楹生光輝龜魚戢形避虎龍挾翼飛想當大軍
後益覺遊子稀況我中興君高拱絕宴嬉羈人老淮楚
古寺臨長溪節物亦撩人風俗自隨時往來兩舴艋規
模具體微邑人樂豐年聚觀眼不移捐金賞先至頓足
助絕馳在昔攻戰具今但娛羣兒因而語兵法可以威
四夷八寶水中央大海壓左圻其中椎剽姦連艦揚鼓
旗先事能預防在易則見幾作詩示周郎赤壁有成師

竹枕

方牀洗湘斑夏簟織蘄笛誰與同臥起青奴甚相得嘉

我遊子猷推第一
我遊子猷推第一
無熱天徑下清涼國早晚報平安一覺我自適夢中從

西園月夜竹影滿堂

良夜天徹幕林閒月如篩解與竹傳神月娥真畫師東
坡元不死鶴駕相追隨習氣未掃除戲筆聊一磨調和
水墨勻幻出蚪龍枝圖成不挂壁擲地容俯窺欲進復
小卻尙慮鞵底泥

初直省宿

灤山集卷一

五知不足齋叢書

薄暮欣暑退吏散列閒屋冰廳冷如水孤坐巾一幅久
絕青綾賜僅免牀下伏何嘗語丁寧但愧頭蓄縮頻年
耗太倉初夜費宮燭枕書倦已拋夢蝶來更速哈噎到
天明從人笑列宿

次韻胡明仲見寄

去年玉笋班仰視見欄具論事□陸贄任事似裴度今
年起衡山出守非不遇牀頭看周易象在益長裕解琴
須更張謀國乃疾固要開天地爐更使萬物鑄可憐冰
氏子大似鐵鑪步自謂樂於貧公乃知其素來刪城巨

書聊免吏部注祝公早來朝爲上寬北顧

送張巨山

天方六月暑君有千里行相從苦不款惜別難爲情發
軫子胥山落帆石頭城火雲午九竒水風晚更清輝輝
螢自燭擘擘蟬爭鳴今代太史氏昔者蘭臺英人如晉
宋閒詩與顏謝并吾君志恢復求士出至誠玉堂紫微
省待子來經營

七月十四夜月分韻得明字

澹澹煙覆渚鳴鳴角收聲白毫萬丈光下注千山傾良

灩山集卷一

六知不足齋叢書
巴邛重刊

夜三五時玉樓十二城皇天老眼開碧湛雙瞳睛窺我
讀書窗徘徊到天明風從樹頭來挾我入太清飛螢轉
蒿叢熠燿徒營營露氣下庭宇秀爽凌冠纓以茲無盡
景對此不平鳴不如使雲遮寂歷忘吾情

有感

退之傳毛穎步驟過遷固當時不入眼怪笑且驚怖柳
州極不平裁書細說喻浮雲蔽兩曜憑虛亦暫駐何傷
黃道行終古元氣聚嗚呼古今一吾其祕緬素

曉上烏石灘

急灘上水船進寸輒退尺老夫敢穩坐解衣起佐刺凡
我同舟人有力俱不惜已濟各相賀可以正枕席反觀
順流人如電亦如射艱難與快意等是賦行役月落東
方明雲收遠山碧翩然兩白鳥過眼已無迹天地正爾
寬何苦自跼蹐脫帶且腰舟歇我履一隻

章質夫帥廣時以酒六壺寄東坡於惠州書到而
酒不至東坡有詩傳在人口思召作廣東漕翌
適居曲江亦惠六尊且云吾家故事也爲此作

詩

澗山集卷一

七知不足齋叢書

西樞鎮番禺紹聖之初年覆露落南人雅意極周旋六
尊南海春萬里羅浮仙先生洗破觥使者張空拳五十
有六字至今星斗懸君持澤國節我賦囚山篇欣然故
事脩要使家法傳禮等百牢我情均一觴天夜來燈有
花不憂爨無煙但恨語無味何以追昔賢

三月且行園

我柳已飄絮我筍亦上竹雪氈密蓋地犢角橫入屋茲
辰略行園喜色動眉綠炎荒異中原氣候少清淑一口
具四時且暮變寒燠而我於此閒兀若蠶上簇但愛草

木長遂使杖屨熟言甚得小詩意斷語不續尙可羊何
和不用唐衢哭諸公幸無事來不待休沐牀敷三百基
勝負任反覆

反大涌泉入紫微洞洞乃余尋出

山川有佳處神物嚴守衛自非夙有因孰敢發其祕衆
壑擁流泉青閒見白沸洗我杖與屨時作深入計要須
鄉道先行與老人直指我洞壑已忽不知所詣劇荒剗
巨石稍去眼中翳豁然大厦開位可百人置嵌巖一日
出自此杳遊騎開山屬老夫愛山必同類甚畏長風寒

灤山集卷一

八知不足齋叢書

嘉慶庚午重刊

當暑皆斂袂歡伯逐行簷相引入勝地

歲乙丑余年四十有九矣因誦太白四十九年非

一往不可復之句次其韻

南來不贏糧隨身一竿竹四年釣曹溪溪水香可掬求
方駐隙駒辟穀起黃獨五十止欠一何地可歸宿今晨
祖師前一擲杯琰卜去以六月息來期七日復往事一
局棋信手不必覆吾生行休矣自此生處熟

題劉憲十君子軒

北極元軒氣受命惟爾獨四方散子孫萬里異闕蜀戴

譜六十一巖谷無遺錄段記三十九冥搜出隱伏世苦
不盡見誰爲合其族儒林老丈人與世淡無欲開軒延
寸君跪坐進三沐高低列雲來新舊開伯叔團欒十家
春門戶各清肅客至爲卷簾贊名問寒燠一見伯玉輩
遂使季子服我欲作竹史就君求品目

子居曲江五年今歲又暮慨然有感

坐對研旁峰臥閱屏上山一事不挂心萬病方窮源吾
君禮南郊吾母望北還一歲幾得書五年闕問安是自
取之爾尙復何所言手種庭下梅花開聊喜歡繫日旣

灑山集卷一

九知不足齋叢書

嘉慶庚午重刊

無術縮地良獨難

寄江東王端明

德人大江南壺歌溫玉帳三歲豐年玉民倚蒿華壯政
碑滿七尺賜蓋高一丈平生詩有聲行與李杜抗餘力
到行草妙合晉人樣如此未賜環頗復辜衆望前時幕
下生今作倚門翫故國動遠思一夜清江漲身如龜甲
卷書自魚乙放南風送新涼爽氣來疊嶂壺觴得自引
茵鼎保無恙願公介厚機中卣調秬鬯

十月且讀子美北風吹瘴癘羸老思散策之句初

察嘗作十詩因次其韻

戰休左觸氏夢破大槐國肝膽方一家燕越非異域是
中路坦平本自無降陟乾坤有乾坤無極復無極海角
盡東南天門洞西北萬里無寸草何人不相識亦有鼓
刀兒大烹舉銅鬲

其二

問學要根柢文章忌雷同字求反切當義用訓詁通縱
之通論劔收之入檀弓平生苦我心不如作一農林閒
蕭灑侯川上赤鯁公姑從賢者樂勿笑鄙夫空秋宵引
灤山集卷一

子知不足齋叢書

佳月暑晝追涼風如此了一生我其塞上翁

其三

戲語隴頭子與若本等夷朱紫強包裹本非我所宜失
脚踏番山杳杳隨風吹將買二頃田樹以枳棘籬還我
本來面度今正其時此策我自決欲問其從誰譬彼沈
疴人忽然飲上池窮命可抵虎寧畏山林魍

其四

老火已退師寓客不憂瘴靜坐窺物理一一見情狀用
起舉拂子功成卓拄杖五行更主事衰絕變生王此身

屬造物窮健勝美恙

其五

厭晴思滴溼閉雨思開霽姑欲快吾私豈暇計豐歲身
如姑射山物物無疵癘可笑建除家卜日論開閉堂堂
百年中顧已閱半世猺蠻且友朋百粵卽魯衛

其六

子房憫濁世意欲一洗爲五日老人約何乃數後期功
成去學仙碎穀從清羸豈不知自苦反覆加深維志士
極鑽仰堅高今益彌是爲萬世法何止帝者師寧知取

澹山集卷一

士知不足齋叢書

履時幾欲眞歐之

其七

茲辰馭北風所至有東道把袂問浮丘餽芝走商皓著
裙拜木公獻實出富媪氣平四大和以此可却老長生
等終古彭祖是亦天有客詣理窟相過或談妙再拜有
所乞乞我如瓜棗

其八

南來走炎荒北歸定尋思一生困坎墮憂患眞吾師堂
中木上座萬里唯爾隨方幸得良喜那有懷秋悲但令

今可行勿愧論少卑少時不解事日日荒于嬉投老又
懶惰得一或十遺戲我過此生造物真小兒

其九

中夜念涼天搔首坐待旦北風鳴屋角此懷忽淒斷兒
曹計伏臘極力供井爨憶昔冬來南骨肉遣星散念茲
豈人爲稍定理絲亂呻吟裘氏地皆是儒與緩往語
金剛勉力守門閉倒囊留一錢且免用鞭算

其十

囚山無他謀治生出下策載之百漏船吹以無孔笛一

灤山集卷一

士知不足齋叢書

飽久定矣誓不爲欣戚家山天一方向地休行役天其
調伏子中歲遭遠謫養成一牯牛露地見純白

寄無錫諸蔣

夜帆起犇牛烏竿鳴五兩百年幾寒暑兩歲五來往竟
不到惠山閒日真難享聞道山中泉煮茗蒙珍賞當年
京浙遞不洗牛李黨故人在邑中乃漢三逕蔣欲擊月
下門正想鼻雷響茲山君常到此約吾又爽且復卜後
來歸程一陽長

王承可有招隱黃龍之意

通途無寧軌世網闊遮邏九遷
肉榮一餉在堂賀泥
深迹逾深時過事亦過要之鐘鼎飽不及薇蕨餓吾知
此理明甘作蟻旋磨丈夫當勇決勿使良便蹉黃龍百
丈閒山圍天幾大往句一椽茅撫枕得高臥不能廣梁
噫且復緝屈些賣藥足生理故是伯休那當年白鳥盟
官爲青衫破微官亦漫爾棄去不啻唾王子里中人到
處成穩坐儻不食前言扁舟在公左

羅巨濟闢學之西序爲軒以奉板輿之樂余名之

曰難老軒

濤山集卷一

三知不足齋叢書

龜息六用藏禽戲兩翼張俛仰何自苦要與宇宙長深
山具竈火煮沙烹硫黃此又出下策中乾外徒強我有
不朽計事具泮水章佳哉羅江東意師張曲江重席坐
日永脫屣來鴈行舉醞醉六經抵掌談三王青雲去一
蹴壽域開八荒始知吾道中大有卻老方以此施其母
何疑壽而康煌煌忘憂花秀色迎朝陽願子多釀酒容
我時登堂

徑山白虎寺

遶郭尋好山直兆得觀徑一重復一掩閒度略約峻溪

聲出左方環玦步相應萬木儼扶持四山擁清潤高疑
星可摘況乃斗之分諸公恨到晚六月宜問信頗聞開
山老說法起衆病坐受於菟降了不懷寸刃山僧詫神
通辯口紛若磬我豈必勝哉渠自有佛性

告春亭

東臯有佳致中夜雨一犁喜笑作春聲麥塊青欲齊淺
瀨發清響陳根出新萹紅情顏未破翠顰眉尙低練巾
已堪岸藜杖始一攜殷勤遺好音胡盧來勸提

送鄭公績赴試金陵八首

灤山集卷一

十四知不足齋叢書

庭槐著老花佳興渺澄江東書望故國飛帆響篷窗白
袍看先登唾手築受降從風靡彊燕舉火燭老龐秋天
鴻鵠高驚到中壘雙閨人侈宵占玉蟲綴燈缸

其二

君到洗沐已蠟屐款北山吾祖山中人凜然千載顏其
旁馬鬣封近去龍袞閒通鑑恰施行新經宜少刪世上
有公議渠自明忠姦物情有報復天道則好還

其三

昨日天子詔痛念并州兒儻有長轂動何憂折筆笞似

聞當宁歎頗牧今何之豈惟一
方痛其勢又類腓策士
仍三年側席收六奇誰當挽
天河洗出中興碑

其四

筆端忘柎械舌本貴溫潤
明明獲麟書作世大龜鏡
哀
東高閣斯文久不勝皇天
開老眼牽復首拜命秋來
舉子場誰領斯文印向來
鍼膏肓必古司農鄭

其五

我咎颯久區區勞此生借屋
就瞿曇長湖繞廂滌未

了文字債截蒲坐縱橫天
公喜相我貺以秋風清他
年

澹山集卷一

五知不足齋叢書

載兼兩策勳首短檠飢吟愧
我冠誰知此心傾

其六

孤城挾龍虎盤礴納萬象馮
夷遵節制且暮過稽顙君
今擲寸毫意與孤鴻往雄豪
攬千古光彩發萬丈憶昨
吏三年到今餘夢想古寺壁
閒名勞君拂蛛網

其七

我餅無儲粟世界如綴纓讀
書寡見功一飽不可營鱗
差四百指習慣啼飢聲天豈
私貧我客氣略已平安能
事計然且復師淵明儻有故
人問但如詩所稱

其八

尚軒過我數相對心跡清共乘殿角涼劇談新月生稍
作蓮芡費久絕壺觴傾告我買夜航襪被催宵征秋晚
被敵歸連營稍休兵青雲付一蹴齊晉多世卿

豹隱軒

金錢暈花山中奇七日霧雨人不知一朝躍出從於菟
毛羣驚駭光陸離釣竿在手身在野未用聲名動天下
久啣則見理則然世間豈有終藏者道人見笑皮爲災
羔裘要袖孰剪裁男兒獨患無文爾聖世何憂不遇哉

瀟山集卷一

士六知不足齋叢書

羣玉亭

泗濱石窟如義族巧匠琢山如琢木不問人家與官舍
窗隨分作巖谷符離城東石更多天劃神初相倚綠
當年來過玉局翁拄杖敲門步幽麓翼然危屋誰所興
賜以嘉名號羣玉翁家自有小仇池壺中九華伴孤獨
經行趣尚絕世姿醜好例皆蒙紀錄銀鈎爛爛照無窮
走馬來看僵立僕是時官梅香正闌亦有海棠紅映肉
七翁蓋棺二十年世上遺編數遭獄只今見字如見人
眼清風亂庭竹想當入海期漫雲車屢下仙山曲

仙山縹緲虛無閒我欲憑之兩黃鶴

大雪

曠時長安雪一丈少陵有詩不吾誑今年廣陵雪一尺
忍寒長作縮龜狀從來窮巷說多泥自是泥深勞拄杖
閉門不出動經旬出門無路將何向故人乃遺咫尺書
遠祝長鬚問無恙濕薪如桂米如珠有突不黔且踰望
但攜古鼎燒黃蓮香穗流珠凝碧帳齒峯窗閉石數峯
氣凌太華嵩衡上黃楊冬青壓餘滋碧幢羽蓋排仙仗
蒿廬賴有此清絕興來何用山陰訪飛鴻似帶燕山書

灞山集卷一

十七知不足齋叢書

重冰怕結黃河浪元冥得意愈自驕歲律回春未全壯
吾君曲軫天下寒語到三軍真挾纊自憐難備絕域使
規模但可山中相起來舉手祝羲車何日金篦開眼障

溪南大雪示常子正

王者有德琪樹生兵馬欲洗銀甕出天將以寶奠中原
何用真如傳恍惚沙寒汀冷鷺啄冰藻暖餌香魚近罾
梅花抱蘖不冑吐斂衽且讓天花升朱門歌呼正圍妓
江上獵圍飛鐵騎惟有書生無所爲下帷煮茗候湯沸

用禁物體書雪

宵分獵獵風翻幃平明漫漫雪擁屏高妝老樹枝不舉
深壓野麤根漸肥削平履迹頃刻盡吹落楊花從來稀
飢鳥大有在陳卮循階入戶冷不飛我會倚賴東風暖
驅兒出市典衲衣不料元冥賈餘勇小窗無地逃寒威
起來墻爐薦軟火敢營肉陣張妓圍認香尋梅亦不惡
敲冰煮茗寧皆非掃除習氣幾時了忍寒琢句聲益微
東坡先生六一老當年格法誰遵依不量吾力效跛蹙
從今望炙晴簷暉

韓幹二馬圖

潛山集卷一

十八知不足齋叢書

飛龍翔麟夜不關房星之精下人閒一鳴墮地勢千里
四十萬匹中如山皇天生此意何在天意有在平百蠻
百蠻款塞皆稽首干戈包盡□菟斑翦成三鬃代官字
濯之太液登王閑紫壇□□□不出玉輅扶日雙輪還
寶鞭不用繡韉穩扇箕前開曲蓋彎方知徐行備天仗
絕勝疾走周人寔開元距今四百載人物風流無一在
如何兩驥今尙存好手傳神能不壞請從此畫究規模
便見當時似三代

人日雪

天公號令今年早阿香動地連催曉今朝纔及七日人
却見長空六花擾我獨博爐坐晝灰扶杖出門愁屐倒
細挑生菜羹鼎香落盡梅花妝額巧詩成思發在花前
更願晴多怕晴少君不見貞觀有道幾成康誰其致此
唐文皇一時獻納盡豪傑鄭公臣徵尤激昂當年入見
適此時見謂人日宜相當有如此人當此日整頓乾坤
纔頃刻

夜夢與羅子和論藥名詩

鑽破故紙我拙計該貫衆史子得意籤排百部象齒懸

瀟山集卷一

十五知不足齋叢書

陟釐萬張蠅頭字分甘遂如百兩金作苦耽成五車記
地錦天花出妙機瓊田水英生爽氣詩成欲度甫白前
冠彈請繼王陽起天門冬夏鳶尾翔香芸臺閣龍骨蛻
任眞朱子老無用得時羅君政如此今宵月白及風清
想君不作呼盧會泉石膏肓過子飲量定能加五倍

吳道子華清宮圖

霜清十月天無風行宮縹緲祥雲中重重繡嶺光相通
莊嚴具足無遺功泉鳴三湯春濛濛合歡阜筴雙垂紅
人閒塵垢一洗空玉聲璆然出房櫳鸞吟鳳舞紛層空

豈不大勝遊月宮向非道子妙絕筆那見開元全盛日
槎牙老木青銅柯坡陁巨石蒼玉質石言木應若可聞
阿房興廢纔頃刻乃知吳生有深意一時心事能貌出
臣非丹青好畫師臣以畫諫乃其職此山此事姑置之
此畫當今須第一

觀獵會圖

一日射雉六十三命中要是人所難一日射虎三十六
驍勇無前誰不伏沙平草軟雪沙乾手拓弓弦腰兩鏃
祥麟選馬捷若龍翻身已墮雙飛鵠拜賀將軍箭有神

瀋山集卷一

王子知不足齋叢書

摩旗拍鼓轟相逐錦標大袖挂虛堂勇夫視之心發狂
不如緩帶氈車上舉酒割鮮殊不忙

送硯與周宰

巧匠斲山取山骨媪神拱手不敢惜因隆作防窪作池
以金爲聲玉爲質藉以絺衣便挈攜置之烏皮長拂拭
憶昨隨計西八關太學三年同寢食晨昏綴緝困蠅頭
歲月磨研取鷄肋時來偶題千佛經吾自無功子何得
祇今懶慢大可笑身外了然無一物經時不脫管城帽
子宜不賜湯沐邑我今容子乞身去却到安宜宰君室

宰君真是蕭灑人文章機杼乃自出陳元毛穎費追呼
子堅而厚宜比德從茲去給上方札便當入珥螭坳筆
切勿勸草封禪書亦莫上獻開邊策願君發明錯與諍
昨奏條畫今所急忠言讜論聞四方硯乎汝爲不失職

簡宗人利賓

昔時桐鄉漢九卿家在淮南天一柱石麒麟冷一千年
子孫不敢去墳墓我之曾高主宗盟昭穆亦與公家敘
不容妄繼鄧侯蕭何嘗敢掘城南杜深山大澤塹劫灰
甲第名園走狐兔飄零直見似人喜何況乃與吾宗遇

澹山集卷一

主知不足齋叢書

巳卯重刊

爲善本求鄉里稱浩歎正坐儒冠誤出參畱守入坐曹
抑亦爲此微祿故澹山山高澹水深眼前誰作藩籬護
心隨大信小信潮夢遶長亭短亭路生涯舊欠錢一囊
歸裝或有經五庫今子新從彭澤來歸去來兮幾時去
一杯且遣客枕安百尺竿頭同進步

觀諸公打馬

酒酣侑坐展博局分曹竝進角馬足過關驗齒出天衢
入關未掩繞日軸十驥并驅縱來往一將折筮制起伏
擊前疊後看騰驤避塹守狹良局促緩時必若出門殿

妙處正須蟻封逐孫臏能令田忌勝諸人徐賀塞翁福
障泥在前解則行杜蘅可采帶宜速莫疑檀溪墜三丈
終使青雲成一蹴吾家款段乃如狗敢上夷塗陪驥駮
但能書與尾而五未免以策數曰六歸歟秋滿華山陽
苜蓿倍收連首藉

閩鄰舟琵琶

檣鳥逐風不停飛尾燕掠水東復西蠻弦金撥竊私語
行客轉頭聲更悲擾擾雲吹寶鬢綠新粧半隱朱簾曲
無限柔情指下生誰道彈絲不如竹谷兒指法來帝城

灩山集卷一

三知不足齋叢書

曹供奉傳新曲名香山居士家有此何況更聞江上聲
路轉溪回雙櫓咽彈盡胡笳十八拍山頭日落暮潮平
一帶荷花自秋色

石斛栽蓮

數夕一夢吳松江兩槳飛度石花鄉剗中山骨泥數斗
趨雨屈盤三節藕鏡面光寒溢并花四顧無入下渴鷗
老翁真箇兒童似我非韓公亦兒戲綠莖亭亭忽獨立
簾疎不隔香直入宛若船舫坐促膝遂使江湖在方尺
雖無太華藕如船定有廬山房似笠

揆遺載齊已於廬山瀑布中得蓮房

大如

端午觀競渡曲江

棟花角黍五色縷一弔湘纍作端午越人哀君檝迎汝
呼聲動地汙旒雨魚鰕走避無處所小試勒兵吾有取
樓船將軍下潢浦欽飛射士曠強弩大堤士女立如堵
樂事年年動荆楚却憶金明三月天春風引出大龍船
二十餘年成一夢夢中猶記水鞦韆三軍罷休各就舍
一江煙雨朱簾夜隱隱灘聲細卷沙沙淺灘平雙鷺下

南園用端中韻

灤山集卷一

三知不足齋叢書

有韓太尉淮陰家十年種木今開花松陰漸可張翠葆
桃蹊久已蒸紅霞早來雨過著芒屨曲沼鏡平清見沙
道人從我似支遁公子立名非務華劇談坐致千歲日
默誦初無一字差主人負重守且將一手撚箭腰黃蛇
因來小集休沐地何時其聽歸來笳飢腸欲餌枕椰粉
香身要采毘陵茄涼風翛翛引佳月歸興忽起從棲鴉
誰憐老我夜不寐兒曹兒祝無多茶

八月十四夜對月效李長吉

雨江洗出揉藍天結璘下鋪白玉筵尾箕牛來合一穿

連暉接影墮我前整襟危坐天地默不知夜漏下幾刻
飛螢一點從外入白露下濕桂子香藍橋雲英正賣漿
金盤荔枝籠眼雙

題校書圖

我聞校書如掃塵塵隨帚去輒隨有螢窗孤坐志不分
帝虎魯魚相可否榻上諸公富貴人安能辨此鉛黃手
綠柳啼鶯耳畔春翠袖彈絲眼前酒如何復窺蠹簡塵
又借管城公作帚畫史畫名不畫實潤色丹青傳不朽
我是瀛洲舊校書揮汗磨鉛牋兩肘當時萬一見此圖

灑山集卷一

吾知不足齋叢書

諸郎不免涎垂口

寄張子公

政和聖人拜賢書陞臚春曉傳天衢集英殿下八百衆
一時如公此策無萬口一詞期第一擢之第三衆不懌
諸公貴人願相識戒闕走馬要君八君言不媚有藥石
國子先生乃例得我亦跪起就穿執妄意得蒙子公力
六年一別安宜北憂患壓人氣不出聞之減米符離日
首陽激貪用一律嗚呼四海鳴鋒鏑白晝豺狼恣吞吸
帝在奉天頗倉卒絲綸政渴宣公筆臧情遠附雪原鶴

願公來扈巡南躡平泉松芻淩霜碧伐叛亭成燕賓戚
起居因書問晨夕宜爲蒼生調鼎食

方提幹有端石硯池狹不能容水予攜以歸令匠
者廣之疑其不返也書來見督以詩解嘲

端溪有石紫玉潤未遇夏工失追琢眇哉池面劣容指
不能容一勺灣山道人請歸治要使墨池少開拓

每煩健步遠來徵事必不然空臆度子如不忘一塊頑
子亦敢負千金諾會令合端看還珠豈忍荆山長抱璞
一毫不敢我非有萬頃難具子宜學聞道年來好說禪

灣山集卷一

王知不足齋叢書

初機最忌多貪著認爲己已大謬久假不歸非爽約
均之在此猶在彼弟兄四遠何曾各笑傾萬斛付江流
所有盡空心境廓請對使者一斧碎與公少解貪癡縛

謝人寄硯

老矣捐書臥看屋尙記姓名供簡牘倉皇去越著南冠
頭已如蓬口生醜無因可結孔方交有藥唯醫管城禿
新涼稍與燈火親學字頗慚蚯蚓曲羅紋重厚使守舍
銅雀不眞非所蓄敢遣良工開下巖要使珍材過天目
君家舊物多錦藉聲若鏘金取鸚鵡前者一見首重稽

回視他山真碌碌公今遣一從我遊謹當配以蟾蜍玉
諸公勸楚眞叟應進士舉以詩勉之

太祖皇帝龍飛初君家樞密推日車一時事載太史筆
九廟畫展功臣圖昭陵取士極妙選乃孫應詔從諸儒
威加草木部刺史屢進藥石諫大夫誰知冷落百蠻裏
忽見其後清而腴讀書過眼似皎月裁詩出手爭秋藻
諸公力請舉進士駢四儷六子有餘三經新義未改科
一代元老出此塗要令我才必有用不憂此口無以餬
他年上國與計偕看日五色傳天衢

澗山集卷一

三知不足齋叢書

謝人惠淺灘一字水圖

風行水上初如織任使蕩雲高沃日屏翳歇去馮夷歸
本體湛然無損益風本無形不可畫遇水方能顯其質
畫工畫水不畫風水外見風稱妙筆清泉道人乃了此
筆下淵源心自得斜斜一字淺可揚渺渺橫灘晚尤急
規模上繼蜀兩孫妙處直度吳諸戚老夫矣不觀瀾
但愛漪漣才咫尺面牆注目風蕭蕭漁浦西興待晚潮
縱貧那肯折波濤還渠并州快剪刀

過秀野亭觀趙昌花

牡丹醄醄送春歸南風亦復吹戎葵青女不瘦芙蓉肌
雪中山茶火爭輝此開彼落相背馳安得坐隅皆見之
劔南老人來解衣好手不免如徐熙蕭然四幅十二枝
規模一出衆史卑妙處天授非人爲右軍字畫少陵詩
後來縱好難竝馳傳觀左右識者誰愛畫八骨吾一癡
惜哉不獲坡谷題何妨擾擾俗眼疑秀野前後花成帷
按圖求之君自知

簡韓仲朋

老范好客老更豪長恨無人陪痛飲我嘗解帶坐南軒

潛山集卷一

王知不足齋叢書

閉門投轄則大窘小韓云是故人子酒量直須吞萬頃
昨宵風雨送秋來兩罷月林散清影想當一口吸西江
看撫朱絲移玉軫誰將五斗爲解醒螺螋螟蛉供一哂
野人無酒可畱公一酌山泉薦佳茗

謝方務德惠粟麥

投閉閉門且隱坐動輒有礙天難測錢神不肖赴招要
瘴鬼乘時作寒熱要之貧困眞吾道一一爲向鬼童說
山中宿麥舊爲農餅無儲粟今何拙甌塵不掃爨未煙
米盡自從仁祖索元英之孫陳義高急遣樵青分粟麥

細春落落簸珠圓退磨紛紛飛玉屑粥香恍若在僧坊
麪熟又將思水厄從來藿食不謀國飢卽須餐困
笑殺多牛足穀翁何用詩腸生錦襖

耘村麥熟

君不見五經紛綸并大春不得已見陰將軍將軍改爲
設麥飯推云不食言非誠又不見劉懷慰作齊太

吏籍中自稱首邦人饋米不官取示以麥飯吾所

有郭內一畝田帶經荷耜願有年今年麥熟始一飽久

飢客子俱來前姓名久與古胡絕將軍薄飯不吾設亦

瀟山集卷一

三六知不足齋叢書

不學劉公清但使兒曹知小穡

題孫倅面

舉頭直北看青山低頭

黃卷辛勤有時厭

青山於人保不變山作主人

客主人看客長不倦

今代風流漱石公吏事

緣一丘一壑在胸中

塵土汚人聊舉扇開門技

舊題榜坐與烏龍通一線

近因秋雨聘此君更倚歲寒爲外掾賤子與世多背馳

只有青山存半面莫嫌剝啄時扣門要是緋袍故人戀

高風堂

一溪之雲各爲雨聊與蕭王分出處亂山深處有生涯
三尺漁竿一枝牖細讀懷仁輔義書先生於世未嘗踈
我已飄然遺物去斯言却以告司徒參政樹碑頌遺德
舍人作堂詔無極高風之高高幾何下視烏龍六千尺

洞霄宮

委委曲曲山九鎖巍巍堂堂天一柱靈官跨龍出洞來
仙人驅虎戴箬去皆山中事泉流兩山鳴珮玦夜壇星辰可
手摘世閒何限真人祠身未嘗到銜空結一日來遊豈
偶然草中更識天荷葉

瀟山集卷一

五知不足齋叢書

羅教授不赴真叟觀李花之約已而有詩次其韻
廣文著書不窺園刻杯以玉露以繁澹乎不躡俗士駕
雅意要令吾道尊那知韓賦李有花常以博士居四門
老夫却欲來不速但恨人靜鐘鳴昏明朝未必遽零落
往看花上春風喧更語宗文與宗武詩成八耳空不煩

觀弄獅子

後視日走二百里於菟聞之望風靡春晴酤酒大合樂
乃向尊前應宮徵嘯呻奮迅左右顧樞馬悲鳴汗流水
供官自古藏太常失脚何年落村裏佛居勝義空谷中

吼法佈魔如此耳人閒宜假不友真此理吾今得之矣

濳山集卷一

濳山集卷一

辛知不足齋叢書

澗山集卷二

宋 朱 翌

撰



賀陳內翰去非三首

聞道催宜召傳呼入翰林堂高初上玉帶重更垂金順
悉周公誥丁寧葛亮心調元知有日天意向君深

其二

夢獲生花筆祥開視草儒奉天專仰陸元祐只傳蘇蓮
影光分燭絲絃細結絢禁中頗牧在夙夜贊神謨

其三

澗山集卷二

一邪不足齋叢書

夜到甘泉捷光搖建曉魁唐家方再造漢德已重開太
史書雲後羣公賀雪回十行寬大詔早晚出銀臺
出城

少策經營飽多方處置閒樵談消一日野坐看千山白
鷺連飛去微雲時復還展開新樂地攻破舊愁關

城上觀月

月上孤城早山迎雉堞低四天浮沆瀣萬瓦貯玻璃松
獵風聲北江搖斗柄西諸公宏款曲吾且倚枯藜

示葉令

舟楫三吳客江湖二月寒交情元自淡酒味莫嫌酸日
者坐何事君乎能自寬不來同一醉何以解憂端

示李令

春色遽如許春愁無奈何看山連楚越端坐惜羲娥吾
子頻相見新詩苦未多試穿一雨屐從我上煙蘿

轎中坐睡

飽食登長道循輿枕臂眠鼻閒真栩栩腹外亦便便徒
倚兩竿竹吟噓四僕肩忽然成小憩放手卽醒然

寄王承可

澗山集卷二

二知不足齋叢書

籍甚王郎子揚州一再逢至今清夜夢猶在笑談中想
見芙蓉句空懷楊柳風著鞭來不晚聲價動諸公

寄葉應之

人老江湖外官拘簿領緣劇談常共夜好句得先傳行
李無他阻朝廷有闕員相逢一笑喜已種玉爲田

寄符正民

體力今何似函書闕到門匆匆緣不暇負負復何言此
日忘踈遠明公實見存捫參懷蜀道叱馭憶王尊

五更不睡

播罷城頭鼓膏凝燭下槃窗留三尺月續挾五更寒事
事華巾結年年紙帳寬梅花正好在青女莫摧殘

曉出昇天到草木未曾盛正且欲歸第一琴薰
浩蕩乾坤曉淒涼客路窮小舟輕劈浪宿霧密糊空累
重苦無飯時危甘轉蓬但聞淮上賊不敢視江東

火初到曲江六首盡憐閒雲白綠入慈母
度嶺三百里攜家五六人卜居依古寺愛日向初春時
有逃虛喜端無去客噴團欒河所作不寐守庚申

其二

灤山集卷二

三知不足齋叢書

昭代人無棄遐方住亦堪司分大火舍官作世男南守
拙休心匠忘憂縱手談平生不喜鬧所欠一茅菴

其三

燈火光元夕歌呼亦盡歡欣聞雪霏白愁失荔垂丹老
酒蓮花麴甜魚薤葉槃萬金書若到便可解憂端

其四

嶺外山川最天涯草木芬曾經五月狩俱破一琴薰韶
石靜張樂舜峰高出雲真同適魯見何異在齊聞

其五

草斷城頭路春來履屨穿兩餘峰染黛雲出嶺垂蓮眼
傍青林轉愁來白鳥邊中原好消息問取此江船

其六

嘉卉懷炎德孤根幸斗臨象蹄交綠潤佛眼瞬紅深含
笑香飄坐素馨嬌滿簪老榕雖擁腫六月十分陰

丙辰人日雨雪

此地從來僻今朝自古陰五年猶作客一飯敢虛襟春
色豈終闕晨光空早臨國香無恙否抱雪秀深林

有惠曾公逍遙樓字者

灤山集卷一

四知不足齋叢書
道光甲申修刊

蒲阪今灰燼茲樓亦草萊如何三字大却到百蠻開屋
漏真能爾霜嚴可畏哉置之當座右親手拂塵埃

次韻胡明仲見寄二首

胡示辨
正論

雙鳥鳴方盛公今遂著書浮雲供一掃直筆用三餘孔
孟揚韓道乾坤日月如平生擊姦手發蹤去聲自桐廬

其二

柳州非國語意恣亂詩書去草絕根本立言推緒餘斷
疑先近似反己問何如歲晚飄零甚歸歟指傲廬

歸自南華

衆綠揚新楚初晴中薄寒行山無闊步陟嶽有遐觀
蔚紫拳猶小松黃粉漸乾無嫌一馬瘦徑度兩重灘

南華具素飯烹茶

春山小見景實超凡又更詩草

頗有客倉卒初無具咄嗟家貧難辦素人衆不烹茶此
老來修供茲辰竝拜嘉小船橫一笛風引入荷花

南華道中

來問可詩與芬因戲書草更人詩

小市荒隄轉湧泉春水慳頻經石角鋪不上馬鞍山橋
斷衝泥過松摧塞道艱草鞵牢踏雨更著一蓑還

晨起

澗山集卷二

五知不足齋叢書

曉日光穿戶衡門起及晨簷垂冰折柱澗湧雪鎔銀腦
取一時樂春期數日新曝書仍曝背自笑巧於貧

遣興

客去抽書讀愁來閉戶推眼花因酒劇書草更人催怪
石巧依竹淨瓶香引梅悠然鑑湖念又向鴈邊回

次韻張巨山正月十日遊天竺

欲飯雲邊寺先尋湖上春山川良是舊歲月又更新草
長煙如積梅晴粉自勻久畱知不可暫過却須頻

倚覺索晚飯

卒律葛答美鈎勒格磔肥翁川茶不媚何氏酒今非硯
水添池淺基盤下子稀姮娥憐我獨未暮款窗扉

卒律葛答

餅

歸去來園南鄰劉家菜圃近許關路相通

假道趨南浦排牆度小清
仙人中謫李鄰里外依劉良
友經時集情曾覺我優
檣榔初不設佳茗或相投

雨晴吳李過園中

聯壁來吾隱交歡只賀晴
酌泉心不易指李話平生
葛木翠光合一池春
水平更詢消遣法元自不容聲

澹山集卷二

六知不足齋叢書

告春亭三首

一丈寬鋤地三重
客葢茅分封鷗鷺境
拾翠菱荷坳正爾
賓中主居然國外郊
老來俱倒置營圃不營巢

其二

竟日成清坐因行或撫松
牆陰連曲浪木杪涌奇峰
要路看公等閒鄉屬我
儂未春花已盡春到若爲容

其三

自斷身將隱無嫌
論少卑江湖雙桂榻
天地一茅茨
溪篆行蝌蚪林妝嘯
畫眉悠悠昏復晝聊爾給其私

地僻

地僻門常閉家貧客自踈
溪山行老我風月不欺子
謾有書成誦端無貨可居
清江千里道持此問春鉏

種黃菊

白日殆欲寢黃花能起子
妙香來枕上正色立霜餘
護外勞編修培深更荷鋤
收功歸我梳洗眼讀殘書

重陽不見菊次諸公韻六首

我圃黃花晚君行不下輿
屏居甘寂寞佳節愧空踈
小待西風急頻遊夏屋渠
開時卽重九那恨子來徐

澹山集卷二

七知不足齋叢書

其二

遲笑秦昭舅咨譏和長輿
當時雖說貴退步不爲踈
黃實采重嶺拒霜臨碧渠
梁王門下客先後有嚴徐

其三

歸去思陶令安時似子輿
近知園可灌唯恐菊相踈
酒幸濃如珀詩令價重渠
看花隨早晚何必更因徐

其四

菊以黃爲正紛紛祇阜輿
待寒緣耿介縱老不凋踈
秋淨花如染時遷水走渠
惟畱五字句能不愧應徐

不勤其五

風流入稍開涉筆為題輿今我思黃菊攜君近綺踈先
秋飄桂子出水老芙蓉俯仰俱陳迹聊書歲執徐

其六

西風吹露皚晴日駕香輿羨彼根莖茂憐子齒髮踈功
成身老健重味笑軒渠甘谷誰能汲瓶罌走莫徐子多

種甘

十月十四日立冬菊花方盛

黃菊一何好持觴惟爾從名應稱晚秀色豈為人容正

灤山集卷二

八知不足齋叢書

似花重九休論月孟冬霜威占清曉直欲犯其鋒

夜雪

夜集羣山雪寒欺一把茅紅爐無宿火黃絹有新鈔坐
久燈排粟杯行橘解包頽然投敗絮老懶信兒嘲

謝邕倅寄佛面杖

自得閒居樂欣聞隱具來杖頭觀佛面掌內化龍才行
變黃金色依然滿月開從今不妄出雷上妙香臺

遣僧澄收刈潼陽

下溼田將穫東屯稼亦收厭煩吾老矣為衆子行不一

粒生何處千箱慶有秋灌溪明日飯今日已無愁

送楊亨仲還建康

湖海重相面干戈早脫身亦知懷琬琰寧肯就風塵船
泛東湖夜梅尋故國春毛錐有持護如子豈長貧

金秀軒

金秀皆垂類山園特有光牽牛高暈碧滴露小勺黃老
讀離騷傳兒尋急就章杜門觀化物吾得傲羲皇

過王監園

爲問西園客秋花餘幾何敲門容剝啄此老正婆娑十

澗山集卷二

九知不足齋藏書

月爲春酒今年得子鶯舉杯邀月罷擊缶仰天歌

戲事

相逢多戲事聊以度長年閒出詩聯句時因酒合錢歌
狂無所擇棊勝亦欣然齷齪好苛禮逡巡不敢前

牡丹次韻二首

一日春工過穎陽名園次第款侯王風流得見昇平瑞
氣味初無世俗香早託筠籠馳驛騎旋張羅蓋護晨光
最憐一尺槃孟玉穩上高鬟映額黃

其二

畫舫何須載西子青裙今幸拜東王佛談非想色界色
天造玉皇香案香興慶池邊凝曉露善和坊裏借餘光
行聞綺席開東省飛鞚爭馳御道黃

唐東省有看牡丹宴見南部新書

跋司馬才仲六論

溫公言語藥石譜猶子文章星斗羅家世有方能治國
宦遊無地可降魔諦觀深切著明論平視賢良方正科
四海共知勳室後享年孰似賈生多

題蔣山草堂

俯仰之間迹已塵重來展齒齠痕勻晚菘早韭有真味

灤山集卷二

十知不足齋叢書

夜鶴曉猿無故人萬一可償他日願再三須卜此山鄰
北山大士乃吾祖烝蕙肴蘭長薦新

約徐令登妙高峰徐不至

衙鼓聲中百事休獨攀危磴看江流君修吏課中中考
我且山行上上頭下視三千佛世界高尋十二仙人樓
聞思大士誰呼應願賜飛霖洗旱眸

後兩日葉幹攜酒至

喜君釀酒吸鯨空置我飛雲卷霧中蒲鴿青浮初落蒂
冰蠶繭就旋開篷小涼已覺生衣怯短策能尋熟路通

直上高臺延望眼萬山橫浸一溪東

題水雲亭劉升道福唐所居

沙合南臺會有期沙邊築屋俯清漪
宋香陳紫丹成後渭綠湘斑族盛時
長者時懷流水念老兄元愛白雲知
一塵不到忘言處雲在青天水在池

雨後登城上亭

何堪濕熱坐支離且就虛涼看劇棋
避雨唯應急走耳登城願句少休之
江山政此成三絕耳目醒然亦一奇
突兀小亭吾畫儂真形妙境恣君窺

澗山集卷二

十二知不足齋叢書

觀李思訓幸蜀圖

上青天路最崎嶇藏日擎天却有餘
旣驗六龍行萬里始知一卒當千夫
望雲騅穩無前馬帶雨鈴鳴動屬車
縱有將軍天下筆不如無逸舊時圖

顏魯公畫像

結芻績體祭中丞鬼質何爲苦見嗔
千五百年如烈日二十四州惟一人
朝衣視坎趨前死羽服行山卽此身
賴有區區張孝舉直言驚倒漢廷臣

讀太真碑

衮衣華藻刻豎珉下馬來尋剝蘚痕斷畫豈如弦可續
闕文猶糞石能言鬣村故址今仍在螭首遺蹤碎莫存
欲較智愚三十里又飛絲鞚過前村

黃守不飲茶

賓客相傳無水厄欣然脫屣上公堂滌煩療渴名雖著
瘠氣侵精睛有妨夢寐無憂眠可熟清虛自積體尤強
樵青竹裏管何事側聽五行供煖湯

寄范伯達

薰風永日一簾垂剝芡從容待晚炊舉白且看連引滿

澗山集卷二

士二知不足齋叢書

汗青不用歎無期晝思夜夢人非遠客附書來喜可知
千里與公供一笑何時相遇戰低基

次韻劉美中早朝

鳳凰山下鳳凰城輦路凌霄遡紫清秋入九天風露冷
雲藏五玉佩環聲虞淵出日升黃道織玄斜河轉啟明
鬱鬱安能久居此君王有意待還京

題日涉園

一葉黃時秋氣清三山轉處大江橫禽魚自有親人意
草木皆能識履聲晴望高崖尋李愿酒行半道致淵明

將詩與結江山好他日來遊分不生

寄胡明仲

尺一催公想疾驅盛傳今已過羌廬紛紛眼底何時定
鬱鬱江南更久居陛下不妨高枕臥先生來草射聊書
銅駝可惜埋荆棘會有人能爲掃除

送王端材以宣諭屬官入川

使星入蜀動佳占幕府謨謀要子參天下兵戈連歲月
朝廷根本在西南路經九折休回首
想見梅黃飛雨裏前旌已在百花潭

灕山集卷二

生知不足齋叢書

方竹杖

此君骨相一成矩氣稟神爻六二全運用四方隨手轉
操持一節比松堅玉雕界尺疑同樣金作觚稜笑削圓
見寄分司眞得力時將緩步與周旋

萬竹亭

東坡名文
與可篆

氣稟元軒玉立身露幢煙燻曉初勻一時頓有七賢集
千畝今餘萬箇春能以風流誇後日政緣名篆得斯人
寂寥不見平安報只有東風爲掃塵

頃入南華僧仲有詩爲次其韻仲次予詩集

促駕難求馬一尋行纏快走任山深上方首入文公褐
小語能披逸少襟三尺盆池清照影五更窗月默傳心
更煩細看門前水昔日西流何似今

其二

寺分三集易披尋藏在名山意亦深但與止茲鸞鳳友
共逃不學馬牛襟年來惟以睡過夏老去莫令詩嘔心
欲見文章須近北太平風雅盛於今

約鄭公績出城

頗厭低頭看文字似曾有約到南山稍回妍暖日自喜

灤山集卷二

十四知不足齋叢書

掃盡積陰天解顏便合與君聯騎出更誰如我兩人閒
相逢莫作傷時狀且趁春光競往還

寄江東故人

北風號木造秋悲書到江南九月遲鴈過宜頻問消息
詩成猶得慰相思當甬澹煙昏處又見橙黃橘綠時
若到北山煩寄語道林真覺乃吾師

冬前雪珠夜下早聞遠山皆白

夜深真可覆三甍地僻何因致八綿五嶺盛傳非昔日
一寒如此怪今年固知淵客難藏寶倒卷珠池立散天

日下有丹能變白青山休恨早華顛

雪作兒童以衣袖盛之如柳花狀

六花幾歲不來南大似優曇欲遇難五響急傾鮫淚夥
袖寬先得柳花團莫憂荔子明年少已是梅英向臘殘
骨冷魂清北屋裏更臨江檻俯驚湍

龍山送客

昔昔風草弄春柔密密桑陰向綠稠江上星居多草閣
波閒斗一漁舟吾行適此心無事客去何妨刺漫留
尙戒奚奴休叱馭不辭小往看潮頭

灕山集卷二

圭知不足齋叢書

煩人置葛

飽誦韶州白葛輕十年會不慰前聞芰荷欲使風裳製
谿谷難褰霧縠紋坐甌遭炊無可避踏冰赤脚謾多云
試將一事煩吾子粗糴精緜可細分

七月一日夜坐觀星

半夜涼生過雨初起迎秋色掃庭除西牛東女經年會
北客南風一笑踈乾鵲悲鳴橋渡漢龍泉騰躍氣凌虛
盆池水面螢飛過上下天星總一如

七夕後一日諸公攜酒見過

天孫擁翠軒餘光猶此照河津且欣大暑去酷吏
正場諸君爲主人庭桂釀花香有信盆荷迎露綠長新
浮雲掃盡天無滓仰面爭看月半輪

送范漕子儀

乃公乃祖帝王師勳在周家日月旗德盛固宜長有後
材高如此用何遲五更雨脚方收絕六月雲峰正出奇
好去加鞭度梅嶺及時功業繼前規

丙寅十日遊南華

五年四轉入曹溪飛蓋干霄日爲低
久定忽聞鐘不嘖

灤山集卷二

去知不足齋叢書

飲香休問水流西枕椰子熟旒珠重
葦菴叢深扇羽齊
鬱鬱蒼蒼千嶂裏犯寒猶著一蟬嘶

寺鐘聲嘖近稍清矣曹溪西流

大歷寺遇風

舟絕清江繫老榕杖藜小住翠陰中
縈青繚白千山日
駭綠紛紅萬竅風足倦要休憐地僻
心閒無事見春工
回塘大有田田葉索酒來傾碧玉筩

夜宿方允迪家雨雪大作

肺附羣山襟帶江近人鷗鳥日成行
每來問道維摩室
何幸濃薰班氏香
雨脚雪花方閒作燈紅酒綠正爭光

更煩采選消畏夜坐看同旋穴豁忙

觀潮

海山不見兩螺青但見橫江展王城動地鼓鼙飛屋瓦
刺天鬢鬣鬪溟鯨拍浮未見羣兒弄借勢須令萬楫迎
俄頃日斜風欲定向來元是一漚生

寄諸洪

彭蠡春生萬頃湖光明相映棣華跼鷓鴣鸞鷺俱爲鳳
乳酪醍醐總是酥歸壽其親來繼踵無求於世獨知吾
□天一紙鴈數字南北雖殊意不殊

儻山集卷二

次韻俞路分見寄

有田二頃復何求長恐斯文久不酬青筍正堪煙雨笠
白文終返水雲裏相親多謝風標子可款豈無蕭灑傑
更下踈簾對君弈要觀都大出棊州

其二

龍尾道南初見子炯如玉筍出瑤林別來東海記三淺
歌罷武夷同一深後五日看真得力前三語且更畱心
平生著手枯桐上會有人能識此音

戊辰元日到南華

清曉匆匆賀歲歸又隨微雨渡曹溪禱晴願見五色羽
揭戶方占一日雞沙水半搖新略約雲煙深護古伽黎
曹源激水仍過頽桃李無言下有蹊

書事

春來何事可相關撥置書叢得少閒洗硯諦觀鸚鵡眼
焚香仍揀鷓鴣斑花開北陌東阡外人在朝三暮四閒
俯仰乾坤了無愧心如枯枿更誰刪

遊錦石巖

梯空何事上秋旻要定三巖著隱君斗柄下垂星可摘

瀟山集卷二

大知不足齋校書
丁未修

天門將近語先聞猿窺虎隱人驚去牛污龍池雨解紛
償我七年東向念却張風腋跨歸雲巖高百餘丈頂有
龍池牛浴卽死池
中繼有大雨洗池王孫極多
見人卽驚去虎隱巖名也

遊紫微洞

堂堂勝境久潛幽經始勸荒用我謀日照洞門開戶牖
霜飛暑露索衣裘鞭笞鸞鳳天將近彈壓山川酒不休
大費騷人題品力薜蘿俱挽入瑤瓊

指翠軒

案至元嘉禾志載此詩題云余
山普照院上方詩凡異十五字

簞笠蓑衣一葉舟西風吹我與同遊洋洋盈耳松聲亂

鹽齏逼人山翠浮講罷已聞花雨落心□□與妙香投
道人居士忘機久一飽關門相對休

戲同諸子書所見

已老猶疑作蠹魚出門延望立須臾或深或淺花先後
半霽半陰雲有無山月向人俱引領海風無日不噓枯
論詩各盡諸郎意籬落之中自可娛

八月十三夜與張檢法泛武溪

川淨波平五板舟天開地闢一輪秋白銀國放黃金色
宮錦袍添紫綺裘坐久星河挂瓊珞夜深風露走珠旒

濤山集卷二

五知不足齋叢書

人閒意適須乘興我是閒人更自由

次韻李令

青雲獨上肯隨羣遇我真成數面親未許兒童騎竹馬
且看土偶笑桃人弟兄酬唱詩無敵賓客過從德有鄰
世味儻教如嚼蠟便能調鼎識甘辛

過小市李秀才居

大涵泉東小市頭川平土沃似中州誰歛築屋溪山裏
李也讀書窗戶幽懶覺郊行差自適老於春事不相謀
他時來問曹溪路繫馬橋邊更少畱

同郭侯僧仲晚至武溪亭議真率會

平遠寒林暮靄橫
右丞不死畢韋生
八人過處草齊綠
一日去來花笑迎
衲子自知空是色
將軍要使酒猶兵
尺書相與盟真率
嶺海風流似洛京

鄧提舉畱詩南華子後五日入山次韻

有句誰知李似陰
好奇仍許杜猶岑
後期五日來圯下
面壁九年參少林
瘴鬼安能驚鶴衆
地靈何敢著狐任
雷車電熾中宵起
看看取龍工濟物心

是夕始雷雨僕居曲江九年今歲行

脚皆以南華多瘴罕至

濶山集卷二

予知不足齋叢書

巳卯重刊

南華卓錫泉復出

竹龍銜尾轉山房
飲足寒清滴夜長
曾問鞠窮目眇井
爲焚安息坐胡牀
千山從此俱蒙潤
一綫纔通未可量
六月炎方了無暑
誰知世上有清涼

次韻常子正

骨鯁當朝迹未塵
但知謀國不謀身
試看犀角龜文表
眞是鸞臺鳳閣人
短別可堪馳夢驛
小詩聊爲寫情親
雪山滿眼寒潮急
憑仗歸鴻一問津

寄洪倅景伯

潦倒麤疎老更癡，手摩枵腹逐兒嬉。
處陰息跡真無處，遇坎乘流一聽之。
臘後春生須厲到，花前思洪近作十二詞。
瀛洲學士滄洲興，妙唱一年漁父詞。
洪近作十二詞。

題足軒

域中寧有一毫真，靜極方知衆妙存。
踈受果能從父志，王章終不用妻言。
脫身兵火蒙天幸，沃日風濤到海濱。
兩頓藜羹如大饗，一番布被有春溫。

元日登城

第一逢春管物華，率先桃李被褒嘉。
明朝又數日爲狗

瀟山集卷二

王知不足齋叢書

回首猶驚歲在蛇，香聚椒盤縈綵字。
春生茶碗結瓊花，層城獨秀東風裏。
下瞰川流脈脈斜

睡起

客不敲門飽睡魔，靜聽簷雨瀉天河。
從人指畫竹如意，假手爬搔松養和。
屏上水翻波浩渺，視旁山臥石陂陀。
斗年游戲三閒屋，一笑畱連兩曜梭。

送福帥

春到春城和雅歌，又攜春去度雲蘿。
過余竹裏煎茶久，看子花邊簇馬多。
千里福星臨福地，一時天使挽天河。

江紅陳紫雷連得柰此催歸尺一何

謝劉憲惠龍眼

龍目秋成亦一奇略無瘴霧損瑤肌荔枝韻勝材誰亞
益智名同性卽非俠士從禽攜彈去鮫人探海得珠歸
不須直待枯成腊便遣尊前解褐衣

江上待客不至

煙霧濛濛遠岫埋沙邊特爲小徘徊行人又向去處去
客子未知來不來詩似芙蓉臨水出人如楊柳待風開
何時見此消愁眼更責後期傾玉盃

灣山集卷二

三知不足齋叢書

寄劉明道

平山飛騎竹西州到處逢君得縱遊滿地落花春病酒
一簾明月夜登樓江帆帶雨人歸後烽火連天客罷休
一紙短書勞遠祝貂蟬到底出中

次韻傅丈見寄

到處能行到處藏餘餘挂鉢解茶囊不緣頭上五鬢長
始與人閒萬事忘一介遠勞詢近日十年如此住南荒
只今已是交遊絕不問比鄰不擇鄉

土瓜甘蔗口口藏口口物口口皆青李來禽子在囊勝日
園林吾有分暮年歌酒爾無志掃除金屑不到眼盡力
石田難救荒每遇北風長引領皖公山下是桐鄉

湘江亭別程幹

十年頻望秀而巉琴筑齊音和阮咸硯浴珍材躬試墨
畫收名筆旋開緘長江流自胸襟出大觚來如首尾銜
分手一言君勿忘他時容我見千巖

鄭元亞新居面梅開軒諸子讀書其閒名曰擢英

紛紛百卉不須栽一見論交正有梅詩興已從東閣動

澹山集卷二

三知不足齋叢書

山寒併許北枝開影橫窗紙月爲友香著硯屏春共來
庭下芝蘭爭秀發對花君但莫停杯

江上送客夜歸

江于燕客酒如淮歸路飛舟破綠苔燈影入簾窺醅酌
雨聲空夢引哈噓豈無文送窮行別似有人呼隱去來
一念不生無可道此懷今欲向誰開

送楊倅致政還鄉

交說紛紛不憚煩要公小駐北歸轅三休恐負名亭意
公作憩軒於郡二去吾寧顧子言快指柴桑還我里遙
圖以示歸意

瞻神虎到君門畫圖史筆俱張大又得楊家一巨源

與錢端修諸公飲興福

積陰解盡可信眉梵宇仍容款扣扉山淨且無塵一點
湖平惟有鷺雙飛杯行客惡思傳令劫急棋爭看解圍
招隱不知誰好事爲尋幽處著漁磯

送蘇判院赴江東辟

春風桃李正開花客路江山亦可嘉白鷺洲前浪山起
烏衣巷口夕陽斜一星終矣君重往四壁蕭然我獨嗟
元祐子孫今用盡如公豈合在天涯

瀟山集卷二

三國知不足齋叢書

端午登郡城得白菊一枝

天外飛雲結晚陰城頭清吹度虛襟江山已定南居計
魚鳥休撩北去心菊早有花千葉嫩蒲香釀酒十分斟
歸來臥聽黃昏雨與我猶親一布衾

寄賀子忱

昔歲裁詩遠送君如君未可作閒人那知半紀重相見
全似當時只話貧推轂向來誰盡力彈冠從此不謀生
想當六月茗溪上萬頃荷花一幅巾

寄婺州歐卿德孺

醉翁遺迹徧江湖何事東遊不到吳遂使山川有遺恨
却看孫子步清塗沈郎帶減傳千古婺女星高近六符
簪筆便當歸從上蓋藍鞍錦照天衢

與林大夫謝靈壽杖

萬木山中美木成木生此山古今靈壽得嘉名龍鱗未測他
年化蝸角先從每節生每節生四角禪擬問來須便打醉思
吟後不妨行使君有惠憐衰薈欲報慚非藻思清

以靈壽杖寄汪內翰

一枝靈木多堅節千里逢人寄永州賜出漢宮尊子夏

瀟山集卷二

孟知不足齋叢書

封當大縣慶邛侯衡山雲散迎歸騎湘浦春晴更順流
欲往從公無羽翼請攜上座別愚丘

喜見白髮

種種年來漸滿簪兒童環視語相驚故人太半黑頭死
老子何妨白髮生彈鐺不須誇手熟著冠猶喜覺頭輕
元無粉黛居閒屋任爾星星易數莖

寄方立義方曾在

西南一柱力擎天管鳳顛鸞下散仙不憤狐狸成窟穴
亦知滄海變桑田夢歸丁令鶴飛去念舊徐公榻尙懸

我是鄉人君是客興言及此淚如濺

寄向伯恭

天竺山前昔據鞍帽裝高屋古袍寬髮雖比舊十分白
心有憂時一寸丹雲路正看鳴劍履君門何早挂衣冠
爲公試草薊林傳歸日來初九晚蘭

次韻江子我病起

食不下咽當柰何千金不惜聘秦和則知有我聊示病
旁若無人正浩歌薄雨過牆醒檻竹西風吹暑下庭柯
但令一局消長日且樂眼前休問他

灑山集卷二

予知不足齋叢書

淵明以正月五日遊斜川時年五十子以正月二

日遊曹源菴年五十有二矣慨然書示同行

城裏喧呼子不食乃能從我就僧談平明且喜風收潤
仰視只愁雲向南靖節使年慙過二斜川推日在前三
吾生大似僧行脚好問真空覓住菴

寄方允迪

山陰興盡晚船催猿鶴歡迎八翠微爲信在山名遠志
便令滿篋寄當歸一牀獨設空諸有三徑就荒知昨非
更賴仲容賢莫敵竹林從此倍光輝

兩止讀陶詩有感

涓涓泉澗木欣欣便覺居閒思不羣快覩朝霞開宿霧
少休時雨霑停雲無弦琴上宮商足有酒篇中醉醒分
誰是知音誰可酌置琴罷酒對爐熏

頃種柏假山中黃憲相訪見之後八年黃憲復持

節來柏已大長

兩石之間一寸栽與君坐看劖莓苔蒼官閱世猶如此
歡伯喚人歸去來飄放又瞻新斧繡光華重照舊池臺
他時左紐紋生後更望西遊老子回

滯山集卷二

三知不足齋叢書

與羅教授飯園中種椀子

園木交陰正可觀壺觴隨分却成歡綠錢流地雨常足
飛絮暖空春不寒雪綴醅釀綠屋角香移蔭萑近欄干
與君細說爐亭話強對檳榔蓂葉槃

與郭侯飲園中

穠李晨興著縞裙醅醲首出上瑤簪此時老子興不淺
旦日將軍幸早臨敵手對碁消晝永中心間射隔牆陰
春生夜甕蓬萊綠酌我無多勸客深

郭酒名
蓬萊春

華幹攜茶八園晚坐采桑下

光穿雨脚閒彤霞聲急城頭集暮鴉且與鳳雛桑下天
共烹龍焙雨前茶的中薏嫩蓮新採笋上竿成竹已斜
讀得齊民書熟爛把鋤今作老生涯

喜雨欲行園

王盤五同次金

南風轉北遂爲霖倒掩書帷坐累茵洗沐江山三尺雨
莊巖天地十分春猿吟鶴舞圖雙引酒社詩壇待五申
說我小園增秀潤便思徐步轉城闌

園中示客

一日華嚴一卷開

風急梳松墮碧釵雨多及楊長青苔趁虛阿段阿稽去

瀋山集卷二

天知不足祿被書

挾策宗文宗武來不用張羅知寂寞恐妨飛鳥樂徘徊
侵尋老矣成何事一日華嚴一卷開

園中卽事

出山道士在家僧晚誦儒書早佛經
灰盡此心猶木偶
掃除往事送芻靈
花邊過客蜂旁午
溪上良時鷺適丁
一到菊坡分品目
玉盤盂可次金鈴

至後飯客

新陽爲我解憂端
梅破南枝雪造寒
繡刺五紋添日刻
餅炊十字薦春盤
遣排百念有時盡
邂逅一尊無限歡

更待小晴擎小艇蘭漿重酌子陵灘

送羅巨濟北歸

君才可從六龍飛便令超騰向日畿曾使諸生館下立
又騎一馬醉中歸江山得助雲烝筆桃李不言春上機
歸去來園花似海子行吾且閉柴扉

寄仲彌性祝子權

博士曾瞻穆穆光賢良猶抱漢文章江山不隔夢千里
鴻鴈欲歸書數行蠅變豈能分白黑木災初未有青黃
逡巡歲晚成何事捧腹看儼驅不祥

澆山集卷二

遊江醫園江避賊歸四年花木皆再種已開花著

子矣

避地歸來四閱春春來草木盡青青桃花暖逐桃花水
竹葉光臨竹葉瓶閉戶自求安樂法活人時說衛生經
移牀却就溪邊坐照我新生白髮星

遣興

衡門秋到總堪悲荷折蒲荒不整齊但喜風前無立豹
亦知砌下有蹲鴟吾徒老矣成何事生理茫然更久稽
清淨無風天雨已山前山後且扶藜

雨後告春亭飯客亭下荷花皆爲醒家人麴久雨
頽垣方議栽竹代之

半夜簷聲挾北風平明賀雨走諸翁山人起向水亭坐
野饑不修行帳豐麴藁有香蓮不死藩籬無闕竹成功
閒中自有閒生理促辦牛衣戴此公

此公笠也見
王褒僮約

有惠益母粉及當歸者

多病年來歎早衰試憑草木爲扶微關心藥裏知多少
繫肘方書識是非曾子定應憐益母曹公端解寄當歸
從今洗面饒光澤血氣仍充舊帶圍

潯山集卷二

三子知不足齋叢書

送崔若礪令河源

雙鳧飛出九重關帶得中原氣象還抵死欲畱之子住
吹笙要伴老夫閒草荒白鶴峰前宅雲散黃龍洞口山
茉莉素馨聞已熟妙香從此賸熏班

靜坐

年來豈復爲秋悲靜裏端能閱化機風引飢烏將子下
雨催羣蟻運糧歸略無車馬閒尤好粗有詩書家亦肥
更得干戈漸衰息不辭長採首山薇

送胡德輝

抗章乞侍清涼國已是無心瑞錦窠誰去自追戲下信
時來寧免禁中頗三吳奏天連海四月梅黃雨壓葦
倘有新詩求共和莫辭一騎送羊何

送果州邵公濟分韻得其字

蓬萊清暑按行歸却向西南萬里馳郡繼尊君家有法
學傳乃祖世無師曹劉牆短自今日班馬香濃如昔時
青士在產知別語夕陽回首更淒其

東津送方務德

□年癡雨令人瘦三日佳晴送子回何以贈青玉案

灤山集卷二

三知不足齋叢書

我姑酌彼黃金罍尋春出郭非聊爾下水行舟亦快哉
小試平生釣魚手老入合住子陵臺

寄鷓鴣源方允迪江子我

□閒豺虎正爭岐隱去何妨九曲迷懷人夢到北山北
□鄰意欲西村西麥雲已有飽氣象梅雨又煩詩品題
他日籃輿八源去向期趺坐對青藜

喜雪

雪多年久未逢茲辰如望故人風稍添松頂三分白
露蕉心一寸紅泥尾可能畱鴈使几蹄何敢謝龍工

不如借取公家擎著向飛樓縹緲中

其二

今年吉利好人逢萬玉妃來各馭風客坐暖浮茶乳白
夜堂春動燭花紅心存帝所元非夢化出天城不用工
却怪浩歌韓吏部巧分垓處與垆中

其三

嘉瑞真成一且逢寄牋天土託鵬風分無侑坐歌眉綠
但有挑蔬凍指紅畫史莫傳飛舞勢詩人俱盡琢磨工
此閒不見乾坤妙妙比松屏山嶺中

瀟山集卷二

三三知不足齋叢書

分宜縣舍夜遇大雪

禪扇解衣真早計果然一夕變春陰屋頭瓦裂風掀戶
牀上珠跳雪滿衾我自不妨高枕臥人今更有惜花心
此行特地非乘興明日扁舟興亦深

元日會凌季文家

伯達勸酒僕不能滿觴輒剗洞庭橋爲醜壁閒燈照梅影如畫

雙頭荔戲伯達云

柏葉椒盤巧試新大呼珠履集華苗香醪酒勸橘爲醜
紅燭未消梅寫真荔子雙頭歸有遺天花六出靜無塵
稍晴便合西湖去尋徧山房洞戶春

春遊

久不出門心已灰
佳晴作意苦相催
鶯花世界其遊戲
竹石弟兄仍往來
心有所之無遠近
興雖已盡更徘徊
江邊漁父傷時切
得遇郎君笑口開

示同會

案此詩據方回瀛奎律髓增入

無奈春寒老不禁
喜看晴日上窗櫺
羣花半露乾坤巧
百刻平分晝夜停
拄杖有時挑菜甲
桔槔無復問畦丁
逢春不出何爲者
衆醉誰知可獨醒

簡范信中

澗山集卷二

聖知不足齋叢書

天下皆聞公子賢
輕裾長袖更爭妍
青春自向東山好
下客空懷代舍遷
生活不甘詩冷淡
年光專用酒畱連
直須萬里騎黃鵠
俯仰安能在一椽

正月十四日西湖畱別同舍

背淮輾楚過三吳
鐵軸膏輪每疾驅
千里未能歸北客
一觴來此別西湖
門門燈火動今夜
步步溪山迎故吾
明日歸潮君看取
浪花堆裏嘯檣烏

正月二十日過江氏園

宛宛橋虹臥碧漣
深深古屋背長川
園官送菜無虛日

溪友留魚不問錢，歷數蒼交俱老矣。及時行樂且欣然，
梅花更有黃千葉，攜取一杯花下傳。

三月五日游劉光世園

南高峰下訪餘春，霽草浮光暖更熏。日轉暮山添著色，
風旋湖水作回紋。飄零大士天花雨，驚顧將軍畫棟雲。
興盡不須呼麴友，他時來飯一甌芹。

閏月四日大風出靈鷲捕魚具膾且約冬閒再集

西北雲收廓太虛，東南風急放船初。冬深更許侯設鱸，
地遠不譏公矢魚。白小未容登燕俎，紅鮮忽已閒嘉蔬。

澹山集卷二

三西知不足齋叢書

重生鱗鬣浮江去，盡是先生所棄餘。浙中有膾殘魚俗
所謂銀魚是也。

陪董令升西湖閱競渡

馳波鬪艦疾輕鴻，歌鼓喧天保歲豐。直面北風吹雨過，
卷簾斜日照樓紅。吳兒戲水用長技，太守行春如醉翁。
社稷中興豈無日，羣魚躍水正飛空。

其二

行樂何妨縱水嬉，勸耕猶喜及花時。風和官柳未飄絮，
綠滿園桑無附枝。訓練指麾談笑裏，清涼蕭灑古今宜。
西溪雨足歸舟穩，會送高帆入鳳池。

三衢胡定愍祠

把酒論詩建業城三年金石見交情羅池忽待中流泊
姑蔑應無劇雨傾直道豈知人負我英姿如在死猶生
鑪香銷盡叢祠晚獨對西風淚臆橫
買田潼溪
求田得處便成家笑爲汙邪祝滿車漱石枕流新夢想
帶牛佩犢老生涯歌成但可相春梓客到莫嫌炊飯砂
祭罷土龍春雨應穩騎秧馬一鞭斜

過烏龍嶺

澗山集卷二

聖知不足齋叢書

羣山低首避烏龍行道驚看翠倚空地設中原如此險
人無鬪志若爲功九重頗覺天門一卒能當蜀道雄
細酌粉泉菴下水冷然歸去御剛風

晚晴謁楊令於烏龍寺

舉頭廓廓見晴虛山色秋光得自如杖履可行三里近
斧斤不赦萬松踈上人坐設刀圭飲乃祖家無儋石儲
語罷寒溫晚歸去相逢應不問遷除

離臨安日范伯達送茶約至釣臺烹之正月十八

日宿臺下兼簡務德

過盡長灘喚落帆舟人取火上高巖已攜敗絮來投宿
記有珍茶旋啟緘忽憶往時同短艇要須於此辦長鑿
可憐一夜梅花雨點滴猶隨舳尾銜

釣臺觀新刻范文正碑

日角瞳瞳上蔡陽有星飛去避餘光東西休迫謝新進
南北逍遙樂故鄉載刻廟碑求琰琬一新祠宇照滄浪
使君著意敦風俗更作高堂貯字章

競秀閣

案此詩據嚴州府志增入

輞川遙展右丞圖盤谷中藏李愿居龍睡潭深飛客權

潛山集卷二

吳知不足齋叢書

鳳鳴枝老結吾廬但令蠟屐去前齒安用鷗夷託後車
西望子陵三十里煙雲來往問何如

遊玉泉

坡陁石上大紳垂踞石跣跌世慮微奉引有春扶屐去
送歸無月帶星稀一時花木助歡笑四顧風雲入指揮
是日乃書驚蟄節鳴蛙已傍小池歸

其二

款段尋山不著鞭每逢佳處且周旋生無一字誇金谷
喜與諸公會玉泉雷轉正喧三級浪紳垂直自九重天

有能庚伏雷終日大勝朝堂食萬錢

立夏前一日登馬氏山亭

百憂不到酒三行萬事盡休棋一枰梅子未黃先著雨
櫻桃欲熟正防鶯忽驚夏向明朝立便恐春從此地更
數蝶飛來花寂寞亂蛙鳴處水縱橫

夏日登葉氏山亭

雲氣向曉不待族風伯忽來吹使醕溪南溪北半篙碧
荷葉荷花一段奇旋扣柴荆行閒道少休松檻坐移時
淵明志廣桑麻長此語勿傳朝市知

灕山集卷二

三知不足齋叢書

題翠波亭

天垂疊巘翠相交風展文漪碧半篙勝日難逢宜樂此
好山多買不爲饜了無歎息同登峴忽有會心如在瀟
更看溪光山色裏紅霞蒸起萬株桃

七夕日遊仙人洞

蟬引秋風上桂枝登山臨水不勝悲獸蹲虎踞石見怪
天劃神祠洞出奇無復碧藍雞刷羽空餘青栗蝟攢皮
儻分衲子三椽屋當與仙人五日期

晨光亭夾徑草深菴僧澄鋤去之將種桃李

徑荒隨處長蓬蒿，忽告通幽且盡薶。已問花翁移郁李，
竟從金母折蟠桃。住庵事簡吾何力，種樹功高子有勞。
吏用公材當小試，把鋤來趁雨如膏。

晚步城外

芒履寬柔野策輕，晚來無暑步重闌。人閒爭夢大槐國，
物外誰尋小草民。一鷺緩飛爲我伴，半川鋪練寫余真。
何從可覺秋消息，忽有涼颺到白蘋。

冬至後三日與羅楚入倅廳雨松下梅花盛開取

酒酌石臺上，思得名手作松梅圖。

澗山集卷二

天知不足齋叢書

老松鱗甲待擎雲，俯視梅花意亦親。粉色上參冬嶺秀，
虬枝下挽越溪真。乘閒到此能終日，與我來遊盡可人。
今代華光古韋畢，生綃一幅兩傳神。

再次前韻

匆匆前日賀書雲，那似今朝笑語親。年例一來窺雪樣，
歲寒同此見天真。梅閒蜂陣長圍日，松下鷗蹲反嚇人。
一椀雷茶未忘本，三杯薄酒不能神。

冬至後雪夜

臘前梅蘂未斜橫，至後醅香試滿觥。過眼文書開數葉，

打窗風雨又三更閉門高臥直差易擁鼻微吟何似
稍取濕薪供熱弄佳山如此不多爭

送鄧清臣之行在

老去何嫌雪滿頭放懷惟與子周旋起趨吳越時難得
上繼張余理必然嶺海斷雲歸鴈底江湖春浪白鷗前
故人相見問今我雨笠煙蓑專力田

澗山集卷二

澗山集卷二

美知不足齋

